



Luisa Famos – ils originals e las translaziuns

■ (anr/vi) En la chasa Looren ha lieu la sonda in'occurrenza davart la poetessa ladina Luisa Famos. La chasa Looren a Wernetshausen sper Hinwil dat albiert a translatur professiunals. En la chasa da translatur pon els sa deditgar pliras emnas a moda intensiva cun lavurs da translaziun. Per la segunda giada vegn la sonda organisà in «Loorentag» cun ina tematica speziala. *Mevina Puorger* e *Luzius Keller* vegnan a referir davart la ovra da Luisa Famos e cunzunt davart las translaziuns da sias poesias en la lingua franzosa e tudestga. La chasa Looren è averta la sonda proxima davent da las 12.30. Las occurrenzas cumenzan a las 13.30 e vegnan enramadas cun interpretaziuns musicalas da las poesias da Famos.